



ORIJENTALNI DRAGULJ PUTA SVILE KOJI JE POVEZIVAO KINU SA MEDITERANOM
BEZ VIZA ZA VLASNIKE BH PASOŠA!

UZBEKISTAN

Putovanje kroz historiju!

8 DANA/AVION

30.03-06.04.2026.

Dobro došli u **Uzbekistan**, srce nekadašnjeg Puta svile, dom veličanstvenih gradova kao što su **Hiva, Buhara, Semerkand i Taškent** – mjesta koja izgledaju kao da su izašla iz bajke.

Semerkand očarava svojom veličanstvenom Registan pločom i plavim kupolama koje svjetlucaju na suncu. Buhara odiše mirom i duhom starog Istoka, dok Hiva, opasana drevnim zidinama, podsjeća na muzej na otvorenom. Taškent, glavni grad, spoj je modernog i tradicionalnog – živ, energičan i pun kontrasta.

Posjetite zemlju gdje su karavani nekada prolazili pustinjama i oazama, gdje se mirisi začina miješaju sa zvukom molitve s minareta, i gdje svaka večera postaje gozba uz tradicionalni **plov** i šaljicu mirisnog čaja.

Dopustite da vas Uzbekistan iznenadi svojom toplinom, kulturom i arhitekturom koja oduzima dah. Uživajte u šetnji kroz orijentalne bazare, posmatrajte zalazak sunca nad pustinjom i doživite duh mjesta gdje historija i sadašnjost žive u nevjerovatnom skladu.

PROGRAM PUTOVANJA

1. DAN, 30.03.2026. (PONEDJELJAK), SARAJEVO – ISTANBUL – URGENČ

Okupljanje putnika na sarajevskom aerodromu kod check-in šaltera kompanije Turkish Airlines u 18:00h. Nakon obavljanja check-in i pasoških procedura letom TK1026 letimo za Istanbul u 20:35h sa dolaskom u 23:35h.

2. DAN, 31.03.2026. (UTORAK), URGENČ – HIVA

Slijedi presjedanje na let TK262 za Urgenč u 01:20h sa dolaskom 31.03.2026. u 07:10h. Nakon pasoške i carinske kontrole, slijedi transfer do hotela koji se nalazi u historijskom gradu Hiva.

Po dolasku u Hivu, prvo ćemo doručkovati i odmoriti se nakon puta. Zatim slijedi obilazak bajkovitog grada Hive, koji se nalazi u blizini granice s Turkmenistanom i uvršten je na UNESCO listu svjetske baštine. U grad ćemo ući kroz glavna vrata poznata kao Ata Darvaza.

Tokom obilaska posjetit ćemo najpoznatije znamenitosti Hive: medresu Muhammed Emin Hana i impozantni minaret Kalta Minor, tvrđavu Köhne Ark, medresu Muhammed Rahim Hana i Muzej hivaških hanova, medresu Muhammed Emin Inaka i Muzej nauke, palaču Allah Kuli Hana i njen harem, džamiju Cuma i njen minaret, te medresu i minaret Islama Hodže.

Na kraju obilaska posjetit ćemo turbe Pehlivan Mahmuda, poznatog pjesnika, ratnika i sveca – zaštitnika grada Hive.

SARAJEVO: Centrotours d.d. Sarajevo, Putnička agencija Centrotours, Kurta Schorka 14, 71000 Sarajevo

SARAJEVO Stari Grad: Ferhadija 16, telefon: 033 407 407, fax: 211 282; Viber/WhatsApp: +387 61 376 644

SARAJEVO Novi Grad: Bulevar Meše Selimovića 97 (zgrada Općine Novi Grad), telefon: 033 407 660; Viber/WhatsApp: +387 62 828 109


TUZLA: Džafer mahala 34, telefon: 035 283 666, 035 283 667; Viber/WhatsApp: +387 61 029 169

ZENICA: Maršala Tita 63, telefon: 032 409 409; Viber/WhatsApp: +387 61 032 465

www.centrotours.ba ID broj 4200153220232 Licenca broj: 07-05-22-13612



Nakon uživanja u orijentalnom ambijentu ovog jedinstvenog grada, slijedi smještaj u hotel. Dan je bio ispunjen doživljajima, pa večer provodimo u zasluženom odmoru.



3. DAN, 01.04.2026. (SRIJEDA), HIVA – BUHARA

Nakon doručka i odjave iz hotela započinjemo uzbudljivo putovanje kroz pustinju Kizilkum i duž rijeke Amu Darja, poznate i kao Džejhun, prema gradu Buhara. Ovaj grad je jedan od najstarijih i najznačajnijih gradova na historijskom Putu svile. Buhara je poznata po svojoj bogatoj duhovnoj i kulturnoj baštini. Grad je stoljećima bio važno središte islamske učenosti, trgovine i arhitekture. Njegove uske ulice, veličanstvene medrese, džamije i trgovi odišu orijentalnim šarmom i pričaju priču o slavnoj prošlosti. Danas je Buhara grad-muzej pod zaštitom UNESCO-a, u kojem svaki kamen čuva trag prošlih civilizacija i gdje se tradicija i gostoprimstvo osjećaju na svakom koraku. Dan završavamo smještajem u hotel, nakon čega slijedi zasluženi odmor.



4. DAN, 02.04.2026. (ČETVRTAK), BUHARA

Nakon doručka nastavljamo razgledanje Buhare. Naša prva stanica biti će turbe jednog od važnih predstavnika islamskog sufizma, Bahauddina Šaha Nakšibenda i njegove majke, turbe koje privlači hodočasnike iz cijelog svijeta. Nakon obilaska duhovnih znamenitosti, posjetit ćemo i ljetnu palaču buharskih emira koja se nalazi u neposrednoj blizini grada. Posjetit ćemo česmu i turbe poslanika Ejuba, džamiju Bolo Havuz i tvrđavu Ark. U okviru kompleksa Poyi Kalon obići ćemo minaret Kalon, medresu Mir Arab, džamiju Cuma, medresu Uluğ Beg,

medresu Abdulaziz Han, džamiju Magoki Attori, medresu Nadir Divan Begi te znameniti Char Minar. Nakon obilaska slijedi šetnja kroz čuvene bazare koji se protežu duž nekadašnje rute Puta svile, gdje ćemo imati priliku za kupovinu suvenira i uživanje u živopisnoj atmosferi orijentalnog tržišta. Noćenje je predviđeno u Buhari.



5. DAN, 03.04.2026. (PETAK), BUHARA – SEMERKAND

Nakon doručka napuštamo hotel i krećemo prema mjestu Guždovan, gdje ćemo posjetiti turbe jednog od najvažnijih sufijskih velikana, Abdulhalika Guždovanija, kao i obližnju Uluğ Begovu medresu.

Guždovan je također poznat po tradicionalnoj izradi keramike, pa ćemo svratiti i u jednu lokalnu keramičku radionicu, gdje ćemo imati priliku upoznati se s procesom ručne izrade i oslikavanja.

Nakon obilaska vraćamo se u Buharu, gdje nas na željezničkoj stanici očekuje voz za Samarkand. Po dolasku u večernjim satima slijedi smještaj u hotel. Noćenje.



6. DAN, 04.04.2026. (SUBOTA), SEMERKAND – TAŠKENT

Nakon doručka, slijedi odjava iz hotela i odlazak u razgledanje znamenitosti Semerkanda. Naš obilazak započinjemo posjetom turbetu Gur-i Emir, mauzoleju slavnog Emira Timura. Zatim ćemo obići trg Registan, gdje se nalaze poznate medrese Uluğ Beg, Tilla Kari i Širdar, a nakon toga nastavljamo obilazak posjetom veličanstvenoj džamiji Bibi Hanum.

Sljedeća stanica je poznata Sijab pijaca, gdje ćemo imati slobodno vrijeme za kupovinu lokalnih proizvoda i suvenira. Nakon toga posjetit ćemo kompleks Šah-i Zinda, gdje se nalazi mezar rođaka Poslanika Muhammeda, a.s., Kusama ibn Abbasa. U nastavku obilaska posjetit ćemo Uluğ Begov opservatorij, kao i turbeta Imama Maturidija i Ubeydullaha Ahrara. Po završetku razgledanja, odlazimo na željezničku stanicu i ukravamo se na brzi voz Afrasiyab koji nas vodi prema Taškentu. Nakon vožnje od oko 2 sata i 15 minuta stižemo u Taškent, gdje ćemo se smjestiti u hotel.

7. DAN, 05.04.2026. (NEDJELJA), TAŠKENT

Nakon doručka započinjemo razgledanje glavnog grada Uzbekistana – Taškent, grada koji se odlikuje širokim, urednim ulicama i modernim urbanim ambijentom. Tokom obilaska posjetit ćemo turbe Kaffal Šaši, medresu Barak Han, džamiju Hazret Imam, te medresu Muiy Mubarek, u kojoj se čuva originalni primjerak Kur'ana iz perioda hazreti Osmana.



Nakon toga nastavljamo razgledavanje gradskih trgova, uključujući Trg Emira Timura, Trg Nezavisnosti (Istiklal), te legendarnu Čorsu pijacu, koja već više od dvije hiljade godina predstavlja središte trgovine i života u gradu. Po završetku obilaska predviđeno je posjetiti uzbečki Disneyland – Magic City. U dogovoreno vrijeme polazak ka hotelu, noćenje.

8. DAN, 06.04.2026. (PONEDJELJAK), TAŠKENT – ISTANBUL – SARAJEVO

U jutarnjim satima transfer do aerodroma u Taškentu. Let TK369 na relaciji Taškent – Istanbul u 09:20h sa dolaskom u Istanbul u 12:45h po lokalnom vremenu. Slijedi presjedanje na let TK1025 za Sarajevo u 18:50h sa dolaskom u Sarajevo u 19:45h. Kraj putovanja.

CIJENA: 2.499,00 KM/osoba* – sve aerodromske takse i izleti uključeni u cijenu!

CIJENA OBUHVATA:

- Avio prijevoz na relaciji Sarajevo-Istanbul-Urgenč, Taškent-Istanbul-Sarajevo (ekonomska klasa, 1 komad prtljaga do 30kg + ručni prtljag 8kg),
- Sve obilaske prema programu (6 dana sa intenzivnim programima obilazaka),
- Bus transfere prema programu putovanja (sve troškove parkinga za autobus),
- Sjedište u brzom zovu na relaciji Buhara – Semerkand
- Sjedište u brzom vozu na relaciji Semerkand – Taškent
- Smještaj u dvokrevetnim ili trokrevetnim sobama u hotelima 4* (Darvaza Hotel Khiva/Sahid Zarafshon Hotel Bukhara/Hilton Garden Inn Hotel Samarkand/Azimut Hotel Moderno Tashkent ili slični) na bazi 6 noćenja sa doručkom,
- Usluge pratioca grupe tokom putovanja i kompletnu organizaciju putovanja

CIJENA NE OBUHVATA:

- Ulaznice u objekte koji se posjećuju (medrese, tvrđave, džamije – 100,00KM – plaća se prilikom rezervacije aranžmana/**obavezno**)
- Dodatne sadržaje i troškove koji nisu predviđeni programom, troškove lične prirode (piće, dodatni obroci, telefon, karte za javni gradski prijevoz i sl.)
- Dopлата za večeru (30,00 KM po osobi po noći – plaća se prilikom rezervacije aranžmana/**opcionalno**)
- PZ osiguranje 15,00 KM, za osobe od 65-80 godina 30,00 KM;
- Doplatu za jednokrevetnu sobu 430,00 KM

Program je objavljen 30.10.2025.g.

VAŽNE NAPOMENE:

*Kalkulacija je rađena na bazi minimum 35 putnika.

*Vremena letova navedena u programu su prema redu letenja avio kompanija Turkish Airlines.

*Agencija NE MOŽE uticati na eventualne promjene ili kašnjenja, to je isključiva odgovornost avio kompanije.

*Za putovanje u Uzbekistan nije potrebna viza, ali pasoš mora važiti minimum 6 mjeseci od predviđenog datuma povratka sa putovanja.

***Za sve aranžmane važe Centrotours Opći uslovi putovanja.**

***Agencija zadržava pravo promjene hotela i redoslijeda realizacije izleta.**

Uzbekistan je država u centralnoj Aziji, bez izlaza na more. Okružena je Kazahstanom, Kirgizistanom, Tadžikistanom, Afganistanom i Turkmenistanom.

Glavni grad: Taškent

Stanovništvo: cca 36 miliona (2025)

Površina: 448.978km², 56. najveća zemlja na svijetu

Religija: 90% islam

Službeni jezik: uzbečki (pripada turskoj grupi jezika). Govori se i ruski i ponegdje tadžički. Danas se koristi latinica, ali u su u prošlosti korišteni i arapsko pismo (do 1920-ih) i ćirilica (u sovjetskom periodu). Mnogi ljudi još uvijek znaju čitati i pisati na ćirilici.

Valuta: uzbečki som (UZS) ; 1 EUR = 14.100 UZS.

Glavni izvozni proizvodi: zlato, pamuk, gas, voće i tekstil. Turizam i IT sektor su u usponu.

Kultura i naslijeđe: Samarkand, Buhara i Hiva su dragulji islamske arhitekture – čuveni po džamijama, medresama i karavan-sarajima iz doba Timurida (14-15. vijek)

Nacionalno jelo: Plov (riža s mesom i mrkvom), Samsa (pecivo punjeno mesom, lukom i tikvom), Lagman (tjestenina u bogatoj supi od mesa i povrća)

Tradicionalna odjeća: šarene **haljine**, i **čapani** (ogrtači), te **doppi** (vezene kape)

